


陳氏家集




三峰集一之四
南坡集一之五

漢書門			
三	八	六	一
一	九	八	號
七	冊	架	函

三	三
七	八
冊	冊
二	六
冊	冊
四	一
架	架

內閣文庫	
番號	漢 3861
冊數	7(4)
函號	317 185

共七



三峰集卷之一

浙江右布政使陳崇德著

五言古體

湖山勝覽為徽州俞生題

既著靈運屐載泛范蠡舟
遨遊吳楚境遍覽風景
幽趣入詩囊富醉臥鏡天
秋琴書常在側風月不須
求以此傲世慮不羨公與
侯胸襟天地潤陶然以忘
憂乃知仁智者山水永悠悠

別張朝昇太學

朝發金陵道暮泛龍江潮馳心在桑梓寧辭歸
路遙送客星初散離人酒半消秋風起天末秋
月明通宵俯仰吟懷壯逸興何飄飄念子青雲
器高談見風標況歷賢關久薰陶非一朝茲行
趨覲省拜慶樂陶陶明當奮鵬翼九萬看扶搖

輓林玠孝廉

不識先生面曾慕先生名少小稱穎悟才華冠
時英劍光寧自閔星斗昭文明等閒奮鵬翮一
舉歌鹿鳴胡爲邁二豎大命遽云傾空有圖南

志未終九萬程英魂不隨泯精爽猶如生扣之
卽響應詩文輒立成嗟哉誰無死死與草木均
如君獨著存神異令人驚平生敦友愛急難懷
春鴿哲人翻不壽天意果難憑吾聞造化理有
塞必有亨在世雖不久嗣世慶何宏二難躋顯
宦二子軼徐卿栢舟共姜操金石同堅貞諒在
九原下遺恨亦當平吾曹述哀輓悽愴不勝情
孝行卷爲連江令杜煥題
人生稟天性孝道良匪輕至性或一虧百行無

足憑試看古孝子青史垂令名香也扇枕席祥
乎臥寒冰伯俞泣母杖緹縈贖父刑奈何時不
古世教衰不與酒肉服養者有愧養志曾忍心
短喪輩有愧刻木丁孝哉杜侯氏竭力事所生
愛敬生前事哀傷死後傾三季廬墓側號泣幾
喪明音容不復覩風木朝暮情猛虎適相遇白
晝當道橫睥睨不敢動倏起入深菁禽獸何所
知分明感孝誠侯兮多善政一塵冰玉清保民
如赤子杜母騰芳聲揚名顯父母至孝今誰能
允矣彝倫係豈特邦家榮聲詩難志美合與古
人評願言振頽俗永爲孝行徵

蘇頌題張叔清榮慶卷

排律附

處家爲善事教子讀書詩舉世誰能爾惟翁乃
若斯行藏皆道義素履遠危幾天合成佳配坤
柔稟淑姿辛勤勞紡績貞靜本非儀用示曹家
訓嘗趨孟母機親賢有如此子顯固其宜盛德
鄉邦仰長才聖主知拜官居上國褒寵出彤墀
烏帽輝青紫珠冠照陸離旨甘馳遠道祿俸有

三峰集 卷一
餘賞九載榮遷日雙親未老時望雲千里隔見
月寸心馳歸覲承家慶登堂捧壽卮錦衣榮晝
著彩服舞春熙竹笋供蔬細江魚入饌肥兒孫
森玉樹伯仲雜填篋共指南山祝仍將東海期
龜齡兼鶴算鯨背復龐眉善慶垂無已休祥降
不遺顧茲嚴慈侍產此寧馨兒詞苑興歌頌綿
綿福祿毗

三峰集卷之一終

三峰集卷之二

浙江右布政使陳崇德著

七言古體

題烏情卷

福州危澄先生少失母得祖與
祖母教育成人及卒又出仕在

任故有
此卷

吞聲不唱烏啼曲走筆忍賦烏情詩詩分可賦
不可讀讀之自是令人悲烏啼枝上聲聲苦夜
半分明如有訴羽翼垂成鬻孔勤未遂反哺先
亡母懷哉懷哉烏鳥情危君此恨何時平撫摩

訓誨天罔極祖與祖母恩惟均三尺高墳掩雙
魄望望故林歸未得興懷不及烏中參陳情因
愧李令伯

贈杜孝廉瑤授安陸州判官

河南太守古馳名政治清平侈頌聲百世雲仍
紹箕業妙季文采邁時英一經早擢桂林秀千
里驕驕看馳驟又向橋門飽道腴功名喜見今
成就錦衣烏帽聖恩寬新捧除書出長安判筆
遙持佐安陸賓朋載道送之官百壺酒盡驪歌

歇帆掛灣河風正發照眼榴花當驛明綠陰迤
邐蟬聲聒勸君此去莫踟躕扁舟早過洞庭湖
勿使舟人久相待到時夾道動權呼爲政何須
論正佐但能供職聲名播一廉自信如冰清德
政敷施無慘暴斯民愛戴寧敢忘杜母又見歌
遐荒祇今明詔舉旌擢會看奏最登岩廊

送黃門林粹夫尊甫西歸

皇州春色濃如酒皇州二月花如繡秦涼有客
曳長裾浩氣飄飄凌宇宙云是黃門林氏翁世

三峯集 卷二
家閩省稱華胄板輿迎養入長安逮時鐘金多
榮耀翁昔登雲振鐸音英才雨化成成就解組
歸來鬢未霜逍遙林下閒清晝書香馥馥屬鳳
毛發解登瀛高擢秀拜官給舍侍宸旒鵠立螭
頭進章奏既攄忠蓋答皇猷歸捧椒觴慶親壽
天性情真不忍分客懷爭戀家山舊炎雲暑雨
促行裝躍馬都門快馳驟歸途極目望秦關寸
心猶憶金門漏

題松鶴圖

誰將赤松子栽向徂嶺根盤厚土不可拔蒼
蒼鐵幹垂千季白鶴來巢止不去穿雲喚月飽
風露滄海桑田幾變更松與鶴兮只如故七十
老人日殮松童顏鶴髮居崆峒華堂設宴慶初
度願祝松鶴同無窮同無窮長不老寫作畫圖
永爲寶付與兒孫好珍藏季季壽日披圖禱

題山水圖二首

山外山水外水微茫夕照中黯淡白雲裏幽花
野草山中春葛巾野服山中人彷彿桃源武夷

境筆端造化妙奪神羨君自是隱逸者門外不
聞喧車馬心目長存山水間無聲之詩有聲畫

其二

雲渺渺水溟溟高樹低樹連陰密遠山近山無
數青中有高人抱幽獨坐臥煙霞隔塵俗瑤琴
一曲來宮商俯仰乾坤心自足嗟予遊宦住江
東此身未脫樊籠中披圖慕爾懷鄉國家在雲
山第幾重

三峰集卷之二終

三峰集卷之三

浙江右布政使陳崇德著

五言近體

咏松

秦封何所羨丁夢亦奚爲一段有餘趣三冬無
改移涼陰堪獨臥香實可忘飢世俗甘梁肉能
知味者誰

咏梅

搖落雪花飛殘梅不受欺出塵堪雅操破玉檀

奇姿庾嶺詩何遠寒山分所宐趨炎笑桃李風
味少人知

咏菊

商颯淨羣芳秋光蒲徑黃清香畱晚節佳色壯
重陽樹外希蟬語籬邊謝蝶忙誰云陶令拙三
徑未曾荒

春園曉起

春光無限意曉日壓欄紅詩興隨吟筆香風入
酒鐘人遊交翠裏鳥語密陰中金谷真堪賞朝

朝與客同

題來青亭贈靜夫

青山隨處有那得向亭開一望吟中滿許多波
面泗南董多坐次佳興洗襟懷地好因人勝名
從李願來

同沈憲長飲觀音閣

坐客總非凡狂吟醉石巘諸峰連坐榻極浦送
歸帆地迥凌高閣春寒透舊衫僕夫催上馬鐘
响隔林杉

同靜夫游石磐岬

同遊看策杖雲淨露山腰綠樹分陰入幽禽向
晚招蒲斟陶令酒休棄許由瓢非是爛柯者行
歌聽採樵

題南臺別意

豸繡賢郎貴君膺祿養榮翻思藜蕨美歸戀故
山清明月隨孤棹閒雲掛遠旌南臺重回首不
盡別離情

三峰集卷之三終

三峰集卷之四

浙江右布政使陳崇德著

七言近體

送同季鄧子榮令浦城

看花共醉曲江春桂榜曾推第一人如此才華
初作宰可無膏澤及斯民陽春有脚週南越列
宿騰光映北辰閒撫冰絃成臥理天書咫尺簡
朝紳

送醫官劉瑞初歸長樂

劉君以醫官來京作畫見惠及歸

索予言且命篆
之并寫此以贈

三世傳來術已精青囊紗帽拜官榮
九重雨露承恩渥萬里風雲送去程
貫酒恰逢春裏醉看山如在畫中行
詩成更寫長篇贈謾道無聲勝有聲

題梨雲軒

不隨桃李結芳隣院落梨花伴此身
帶雨零飄千片雪堆雲暗護一枝春
夢回窗外紅塵遠忘却人間白髮新
幾度黃昏禪定後相看清況更宜人

宜人

題素扇篆文

濯濯銀河湛太清半輪素彩月華明
光垂宇宙人文著碧落沙汀鳥跡橫
當夏力驅煩暑退引秋頻播嫩涼生
詩成寫作丹青看誰道無聲勝有聲

挽高以銳二首

景仰先生擢第時才名到處說英奇
清高不道儒宮冷學行端爲士子師
未老乞歸三徑在遊

仙遽作萬季期于今何處尋遺跡架有殘書誅
有詞

早擢賢科領縉紳未幾林下見斯人行藏自是
關吾道清白從來守此貧老去春光留不住驚
殘蘊夢起無因高山仰止人何在每向西風淚
滿巾

春江別意送鄭式之湖廣清軍

皇皇使節出臺端白簡風生鐵面寒激濁始從
今攬轡振綱先在去除奸東風江上孤帆發明
月湖南百姓安今日同官走相送臨岐便作范
張看

送劉德資四川清軍

春到江南幾樹梅寒花點點送離盃一鞭驄馬
隨風去三峽雲山入望來直道每增知己重壯
懷端爲恤民開激揚謾自論清濁條奏金鑾取
上裁

送徐文璧山西清戎

埋輪謾說古張綱攬轡今看此激揚只見無朋

三峽集 卷四
飛鷲鳥不聞當道有豺狼江梅傳信程千里川
岳澄清雨一方昨夜南臺臺上望法星到處倍
增光

慈闈榮省爲彭原嶽題

榮遷喜得近閩關便道歸承膝下歡五色製成
萊子服九重寵錫大夫官霞觴捧處人如玉壽
果陳來荔似丹嗟我有懷猶未遂緘書聊以道
平安

題春山卷

高人僻愛春山好一段幽懷盡向開清氣都收
詩卷裏風光總付酒盃來繁花亂吐紅交白啼
鳥驚飛去復回却笑紛紛名利客白頭猶自走
塵埃

金陵別意送友人劉斗致政歸雲南二首

學易曾爲多士魁早知進退亦悠哉一官不必
論高下五斗何如歸去來仙棹遠從江上別客
懷都向酒中開夕陽回首千山紫惆悵懷人隔
鳳臺

三峽集 卷四 四
勘破人間名利關此身不待老來閒無情歲月
須臾過有意溪山要久看坎止流行隨所寓好
榮惡辱總無干高風千古陶彭澤誰道先生不
一般

挽鎮守金陵成國公

將門出將總英雄世守分茅爵上公南國久安
磐石固九重屢降璽書崇忠誠貫日光先後德
望如山善始終哀動士林多紀述豐碑百尺照
蒼穹

陽朔公館次沈繡衣韻

真山真水不須圖萬疊奇峰照鑑湖邑小却誇
形勢壯民貧爭奈佇儲無往來問候先憂積多
少關心難力扶食祿更當盡所事每懷靡及愧
征夫

九日遊桂山二首

桂山佳致勝堯山乘輿登臨步不慳管領風光
憑醉裡形容景物在詩間花開花落無成數雲
去雲來總是閒欲向寺僧問真偈洞門深鎖不

容攀

上盡層坡山上山興來氣力健無慳衣冠豔拂
黃花畔僕御聲傳碧嶂間不學孟嘉當日醉却
懷陶令此身閒何時辦了公家事隨處青山杖
履攀

壬戌冬重遊湘山寺

愛他山水風光好不爲參禪復此登說法可能
驚得鬼傳燈都付後來僧松參天起高千尺塔
映星明聳七層一片閒情無處著白雲飛繞碧

岩藤

答鄧方伯

何須沽酒話深情三讀來詩意自清浴月蟻珠
知合浦輝春荆璞重連城敢將瓦缶當場擊愧
乏黃流對客傾不獨棠陰同召伯從來李杜有
詩聲

湘南別意送詹廷信入賀

花滿江亭酒滿觴十分春色送行裝看山馬首
吟行壯別路天涯客思長萬國衣冠同際會九

重日月仰輝光祝稱聖壽三呼後好把邊情上
奏章

送程廷臣僉憲致政人資

車馬驅馳為甚忙紅塵拂面滿頭霜高官好爵
何勞問白石青山可主張三徑菊松詩滿卷一
川風月醉為鄉羨君識破人間事樂得閒身歸
興長

山行次徐方伯韻

載道棠陰頌召南山行無瘴亦無嵐武夫衛送
皆操白文士來迎半着藍狐兔潛形山寂寂峰
巒露骨石巖巖忽聞樵唱來空谷半是蠻音聽
未諳

獨秀山

礙住行雲天接連四圍無路可攀緣禁城永鎮
中央土玉柱高擎上界天綠樹陰陰煙雨濕青
林夜夜斗牛懸平生酷愛真山水孰識幽奇在
此邊

送雷元芳擢浙江大叅

客散長亭日未西匆匆爲別各留題邊民爭臥
前車轍浙水增高舊日隄誰道鷹鷂非所擊從
來鸞鳳不輕栖一琴一鶴渾無恙到處相隨到
處攜

寓陽朔二首

郭外居民日趁墟城中市肆却空虛耕桑有地
多妨業子弟爲儒懶讀書行部霜威凡幾度變
夷風俗近何如昨宵聽得舟人語備守兵嚴寇
盜除

四野山多少有墟山形露骨洞岩虛眼前瘡疾
誰能療紙上文移我亦書功利乘時奚可久治
安長策竟何如列城願得朝歌長盤錯何愁不
盡除

寓灌陽二首

六季踪跡未曾停冒走風塵每見星按節敢辭
灘路惡好山直入灌陽青竹籬茅舍千門月石
徑溪橋幾處亭但得客身長是健瘴鄉雖久不
妨經

三才集 卷四
秋深氣肅降霜華點染楓林鬪晚霞歲月蹉跎
人易老客懷消遣酒全賒久叨厚祿都無補長
念涓埃未有涯誰道痴兒能了事歸心夜夜夢
還家

贈毛總兵赴名

一代英雄邁等倫將門聲價動朝紳甲兵鎮虜
今韓范文武全材舊甫申自許忠誠勤國事誰
如談笑淨風塵會看唾取封侯印功紀雲臺第
一人

下梧州有作

一水奔流勢就低四山壁立絕行蹊蠻夷恃險
驕狼虎民庶逃生匿犬雞謾道英雄無用武極
知軍力不能齊眼前多少關情處愧乏良方起
疾黎

謁諸葛武侯祠

稱魏稱吳列漢疆先生奮起復炎光驅馳王事
躬勞瘁睥睨奸雄力贊襄耿耿孤忠垂汗竹悠
悠廟祀挹清香桂山不與蜀山接總爲人心共

三峯集 卷四
彼蒼

碧筒飲

好風滌暑送微涼坐愛幽亭日景長
棊子一杯敲玉碎麴春十日趁荷香
碧筒試效古人飲清氣都歸老杜腸
凡可勸賓皆取樂爭如曲水泛流觴

贈陳秉衡憲副歸田

金印何如二頃田秋風萬里一歸船
休將前路征夫問笑有青松野鶴翩
玩水觀山真有味吟風弄月欲忘眠
功名到底成何用樂得閒身未老年

陳總督勦蠻賦贈

啓行何止十元戎萬馬爭先將士同戮力
效勞心盡赤摧鋒斬首刃皆紅頓令氣肅
千山外便覺春回六合中夷夏騰歡歌
治世巍巍麟閣紀元功

夏日登賓州南樓

正德己巳六月也

煙樹蒼茫眼界賒樓頭踏遍日西斜
雲開遠景

看圖畫風帶微香度野花山不斷青連碧漢水
微拖綠護田家近來喜得邊塵淨仰賴兵威鎮
泰華

熱中楊志仁大叅求竹夫人賦此二首

淇園佳配絕紅妝秦虢封稱到處揚得寵豈知
清徹骨專房誰謂有心腸眼看冷冷炎炎態身
轉團團面面香見說使君求一偶敢將詩句賀

新郎

朴質無容不上粧夫人何自可稱揚外觀雖有

三分態內助全無半寸腸睡傍良人寧畏暑閒
同秋扇絕聞香世情冷煖隨他變清節何曾污
得郎

喜雨次弟文介韻

昨夜溪聲亂若邪小園休問落多花最憐浸漬
滋禾稼猶有餘光掣電蛇郊外未知深淺水途
中也沒往來車化工歡覩豐稔瑞吟老詩人兩

鬢華

閒吟

三峰集

卷四

七

天上歸來林下身一樓風月一閒人消磨白日
 惟詩卷醉倒東隣任性真松歷歲寒當晚翠菊
 留秋色擅餘春于今識得閒中趣怕踏門前脚
 下塵

新樓落成四首

一上層樓眼豁然許多勝景在吾前好山環繞
 西南外綠樹陰連東北邊隱隱書聲聞里巷重
 重第宅盡人煙丹青欲倩應難狀合付詩家于

細編

放開胸次自悠然百尺樓頭直上前弄月吟風
 懷可寫看山玩水景無邊平平曠野天低樹遠
 遠長林夕帶煙最是藍田真勝處收來一一入

詩編

輪奐新成勢聳然乾坤盡納八窗前雲飛綠水
 青山外人在光風霽月邊野色映天天映水沙
 堤籠樹樹籠煙王翁日倚欄干上吟付奚囊又
 幾編

危樓高接半空中滿塌清風到酒鐘笑語恐驚

三峯集 卷四
天上客坐忘貪看日邊峰寒生常覺星辰近爽
入應無瘴霧衝且是吟詩人未老往來又得盡
人龍

遊靈峰寺

滿眼峰巒總是詩揮毫難盡箇中奇鳴琴聲徹
歸雲洞曲水流同品字池啼鳥忽聞無覓處好
山細看立多時興遊忘却歸途晚望海亭前月
上遲

重遊靈峰寺

是處佳山尚欠詩重遊欲遍盡斯奇放歌不覺
震林谷沉醉渾如入酒池山有可觀頻舉首心
無繫累是閒時乾坤役役何曾息白日西飛快
莫遲

歸休次靜夫韻

飄然逸興浩無涯乞得閒身敢浪誇堪笑老來
偏愛酒每占春到看飛葭青山識面常當戶明
月知心自到家靜裏東風看若許菊花暫過又
梅花

鄭叔昭南園觀宋理宗御書拱極樓三字
賜丞相鄭性之者

去宋經今幾百季宸章留得世間傳筆鋒尚想
龍蛇走碑石還同琰琬鑄精小技能非所重尊
崇理學正爲賢何如帝典昭今古人誦家傳樂
舜天

榕塘曉色

名園景物四時好惟有榕塘剽曉看淡淡輕煙
籠水面瞳瞳旭日射林端數聲鳴鶴濃陰裏幾

箇眠鷗白雪團林下閒人幽興處侵晨吟倚畫

闌干

一 菊花十月始開二首

今歲黃花開較遲入冬始見綻東籬一秋空負
有佳色九月無由望白衣橘綠橙黃添好景桃
嬌杏艷任先時須知晚節堅如許要接寒梅雪
裏姿
每逢菊節怕遊遲盡醉樽前倒接籬撫景那知
對陽月看花多著禦寒衣想因節氣行來晚非

三峽集 卷四
是花神要過時但願季季好風景不嫌歲晏見
丰姿

靜夫好棊不高又好勝作此以笑之

平地仙翁愛手談一杯相對翠屏間尖行斜走
因圖急長放雙關占據寬彼此有心機倖遠東
西無路進前難翻雲覆雨須臾事世上人情是
一般

懶將奕戲向人談豈是高低伯仲間緩着應知
心思遠急圖不放路些寬欲安江左先謀定若
守湘東望活難一自爛柯人去後中間勝負幾
多般

和靜夫松屏

翠屏山下又松屏繡幕羅幃未足稱富貴自然
無改色風霜不道却加青晚來坐對胸襟濶詩
就吟成句法清堪笑畫屏真可鄙美人空羨踏
歌聲

閒中偶成

夢裏生涯醉裏身花神勾引爲詩神窗前靜坐

無些二事林下閒行有幾人
剝琢時聞揪局戰酣
騰每聽鼻雷噴百季光景須臾過
安命誰能認
得真

吊靜夫

幽亭人去寂無蹤
獨有鐘山舊日同
塵掩棊枰
閒黑白春深花草自青紅
都言十季當蒲誰
識三三數已窮
老壽如公不多見
世間有幾白
頭翁

雨後郊行

閒來遣興散吟蹤
步出郊原無與同
四澤無邊
春水白一天不斷
晚霞紅
樵歌牧唱皆真樂
耕
隱漁沉豈是窮
安得二三童
冠者乘風歸
詠伴
吾翁

又用前韻有感作

人生休把定行蹤
老至安能與壯同
墨髮更無
千日黑
醜顏只借一時紅
添季換歲聊爲樂
糲
食粗衣未底窮
敢告東鄰與西舍
將予錯看有
錢翁

朗司務上京過別餞于風洞山二首

偶得公餘半日間追尋佳境恣躋攀行聽好鳥

出孤嶂看盡閒雲到遠山翠碧岩邊千樹合夕

陽林外一僧還樽前喜有能吟客管領風光共

笑顏

天開勝景有誰分今古遊人盡不羣石上詩題

盈百首箇中筆陣掃千軍聲調絃管花間鳥吟

濕衣冠洞口雲興盡歸來與客別新詩寫作贈

行文

六言絕句

春

花草風香不斷江山日麗晴暄行樂欲尋酒肆

憑誰說與杏村

夏

新竹拂墻高起幽禽倚樹長鳴靜裏細觀物理

無情各自有情

秋

紅葉蒲山誰掃黃花三徑有媒要識一清氣味

鏡天月到風來

冬

勁節嶺頭松栢精神雪裏梅花驢背詩人儘興
忍寒踏過三叉

七言絕句

又咏竹夫人二首

全憑柯斧結良緣取伴君前是夏天君不趨炎
却趨冷休言雲雨且安眠

玉體玲瓏眼有神不言不笑冷看人無心專寵
隨時變清節從來絕點塵

來青亭閒咏二首

瀟洒閒亭絕點埃數盆花草亦清裁
添風月移箇梅來傍竹栽

君恩曾未報涓埃詔放歸田寵厚裁儘日從容
無個事愛花猶自倩人栽

三峰集卷之四終

三才集卷之四終

無臥事愛芬飮自前入殊

吾恩曾未躋賦賦臨茲魏田竊思其畫日其容
悉風且逐箇蘇來對竹殊

蘇西閣亭絲瀑對樓盆芬草亦青蔬室金餘若用

來青亭間和一首

翻却變青前翁來絲瀑壘笑冷看人無心專寵

教諭南坡公傳

公諱良貴字文介號南坡高祖江山縣令仲進
曾祖登俱別有傳祖同甫贈監察御史父景隆
成化乙未科進士歷任監察御史陞山東按察
司僉事所著有畏菴集惜多散逸公九歲即從
父宦遊十一年方歸入試補郡庠每試輒冠軍
以正德癸酉膺歲薦遂選廣東始興縣訓導其
邑令梁冠高輔先後聘修始興縣誌公雅負史
才文獻予奪足備一方信史先時為諸生修長

家傳

南坡

樂縣誌旋授廣西陽朔教諭歷任三年督學以
桂林地僻
文廟樂器未備檄公至閩會審音樂遂弗就任
公自少從宦邸得先世遺書精究古典故爲文
雄放弘博所著有南坡集孫懋觀嘉靖癸丑進
士以兵垣建言杖謫召理銓部亢直不阿出守
廬州郡誌載循良傳亦工于聲詩惜其遺稿所
存亦多散逸

南坡集卷之一

張新刻水水谷陽朔教諭陳良貴著

五言古體

宗斗山瞻仰送潘掌教陞郡博

北斗奠天軸泰山渺羣峰高名亘千古九垓瞻
仰同偉哉昌黎伯文章起衰風立言排衆論正
學知所宗以茲山斗名汗史流無窮先生敦古
道古文追其蹤慨俗事鉛槧反正知磨礪菁莪
久樂育髦俊成厥功明廷重推轂星輅駕辟癰